

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **KORPORATA ENERGJETIKE E KOSOVES sh.a.**

Për Aktivitetin e Prokurimit Nr. i AP: KEK-21-8268-1-2-1

Sa i përket tenderit për Furnizim me kushineta.

ANKESË

1. Identifikimi i ankuesit*

GiGi Sh.P.K
(Shëno emrin e plotë të kompanisë suaj)

Rruga Gani Demolli. Nr.12
(Adresa)

Prishtinë 10000
(Vendi) (Kodi postar)

044/197871
(Numri Telefonit) (Numri i Faks-it)

Arsim Bajgora
(Emri i plotë i përfaqësuesit të kompanisë suaj)
gigishpk@hotmail.com
(Adresa elektronike)

06/04/2022
(Data e parashtrimit të ankesës)



*Ankues do të thotë një palë e interesuar për parashtrim të ankesës.

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

3. Të dhënat mbi aktivitetin e prokurimit

Shëno një përshkrim të shkurtër lidhur me datën dhe vendin në të cilën është publikuar “ Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës” “Njoftimi për Rezultatet e Konkursit të Projektimit”, apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës:

Ky aktivitet i prokurimit ka të bëjë me “Furnizim me kushineta” ” dhe njoftimi për kontratë është publikuar me datën 27.10.2021. Formulari standard për korrigjimin e gabimeve në njoftimet e publikuara është publikuar me datën 12.11.2021. Afati i fundit për ofertim ka qenë i caktuar për datën 26.11.2021. Hapja publike është bërë në kohën dhe vendin e paraparë më datën 26.11.2021. Kërkesë për vazhdim të validitetit të ofertës është bërë më datën 14.02.2022 të cilës kërkesë ju kemi përgjigjur konform validitetit të ofertës. Njoftimi mbi vendimin e autoritetit kontraktues dhe letra standarde për tenderuesin e eliminuar është publikuar në platformë më 23.03.2022. Njoftimi i vendimit të autoritetit kontraktues është anulimi i aktivitetit të prokurimit i publikuar më 23.03.2022. Kriteret e Dhënies - Tenderi i përgjegjshëm me Çmimin më të ulët

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po

☒

Jo

☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po

☒

Jo

☐

Kërkesen për Rishqyrtim si shkalla e parë e ankesës pranë Autoritetit kontraktuese e kemi bërë me datën 27/03/2022.

Vendimin e AK-es për refuzimin e Kërkesës për Rishqyrtim e pranuar më datën 30/03/2022 të cilin vendim do të ja bashkojmë Ankesës sonë.

Ky aktivitet prej momentit të precesverbalit të hapjes 26.11.2021 deri te vendimi për anulim 23.03.2022, është mbajtur për katër muaj pa shpjeguar ndonjë arsye të tejzgjatjes për të vlerësuar ofertat.

OE tjerë nuk kanë vazhduar validitetin e ofertës së tyre kur është kërkuar nga Autoriteti kontraktues. Vetëm ne si OE GiGi Sh.p.k kemi vazhduar Validitetin e ofertës sonë konform LPP-së

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs te Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

AK gjatë zhvillimit të këtij aktiviteti të prokurimit ka shkelur Ligjit me nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Gjatë procesit të vlerësimit AK ka shkelur dispozitat e LPP-së si në vijim:

AK ka shkelur nenin 1 të LPP-së Nr. 04/L-042 të amandamantuar.

AK ka shkelur nenin 6 të LPP-së Nr. 04/L-042 të amandamantuar

AK ka shkelur nenin 7 të LPP-së Nr. 04/L-042 të amandamantuar.

AK ka shkelur nenin 56 të LPP-së Nr. 04/L-042 të amandamantuar.

AK ka shkelur nenin 59 të LPP-së Nr. 04/L-042 të amandamantuar.

AK ka shkelur nenin 60 të LPP-së Nr. 04/L-042 të amandamantuar

AK ka shkelur nenin 62 të LPP-së Nr. 04/L-042 të amandamantuar

*** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë e rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Më datën 23.03.2022 përmes platëformës së E-prokurimit kemi pranuar LETER Standarde per Tenderuesin e Eleminuar dhe vendimin për anulimin e aktivitetit të prokurimit. AK-es anuloi aktivitetin e prokurimit me arsyetimin të plotësimit apo ndryshimit të specifikimit teknik ndërsa neve si Operator na eliminoi për këtë arsye:

Pas kontrollimit të detajuar të dosjes se tenderit dhe specifikimit teknik të detyrueshëm konstatohet se te Poz.6 Kushineta 6328 2Z C3 është bërë gabim teknik dhe duhet te jetë :
Poz.6 kushinetë 6328 C3 standardi DIN 625-1
Rrjedhimisht për Poz.6 na duhet kushineta pa mbyllëse të boshllëqeve në të dy anët .


Ne si OE bëmë Kërkesën për Rishqyrtim pranë AK-es por rezultoi me vendimin e Autoritetit kontraktues si e pa bazuar.

Siç provuam të shpjegojmë pran AK-es në kërkesën për rishqyrtim që oferta jonë ishte e saktë, e qartë, korrekte dhe më e lira konform kërkesave të dosjes së tenderit edhe këtu do të ofrojmë shpjegimet shumë të sqaruara lidhur me shkeljet që n'a janë bërë neve si OE lidhur me aktivitetin në fjalë.

Në DT-it janë kërkuar 9 pozicione të ndryshme të kushinetave përfshirë edhe pozicionin e gjashtë “6328 2Z C3”. Të gjashtë pozicionet e para janë kërkuar të jenë me sufikset(prapashtesat pas numrin te kushinetës) 2Z C3 dhe kjo “2Z” tregon që kushineta ka dy mbyllëse anësorë në mënyrë që ta mbrojnë yndyrën të qëndrojnë brenda sferave të kushinetës.Kushineta me këto Mbyllëse montohet në ato raste kur vendi ku instalohet kushineta nuk ka mundesi të lubrifikohet me vaj apo yndyrë dhe për këtë arsye kërkohen kushineta me yndyrën e vetë dhe me mbyllëse për ta ruajtur lubrifikimin brenda sferave të kushinetës. Nëse vendi i instalimit është më vaj apo me mundësi të lubrifikohet më yndyrë atëherë gjatë instalimit kushinetës mund ti hiqet mbyllëset pa asnjë problem dhe të montohet edhe pa mbyllëse. Ne konstatojmë që refuzimi i ofertës tonë nga AK-es për shkak të këtyrë mbyllëse është edhe qesharak sepse nëse njëmend i nevojitet AK-es ky pozicion pa mbyllëse (pa 2Z) atëhere krejt çka u duhet është të ja heqin mbyllësen dhe ta instalojnë kushinetën.

Ne duke konsideruar që vlerësimin e ofertës tonë e ka bërë ndonjë komision apo anëtar i komisionit që nuk ka njohuri elementare me funksionimin dhe instalimin e kushinetave do të domostrojnë komponentet e kushinetës 6328 2Z C3 dhe cilido person që mund të jetë edhe jashtë fushës profesionale mund të kuptojë që arsyeja e refuzimit të ofertës tonë është absurde dhe tashmë jemi edhe të bindur që është e qëllimshme . Më poshtë shihni figurën_1 :

Komponentet e Kushinetës 6328 2Z C3



Mbyllëset: Parandalojnë hyrjen e grimcave në kushinetë dhe mban yndyrën brenda

Unaza e jashtme: Montohet në shtëpizë dhe ndihmon në transferimin e ngarkesave nga kushinetat në shtëpizë.

Unaza e brendshme: Montohet në boshitën rrotullues dhe tenton të rrotullojë boshitin.

Sferat: Elementet rrotullues 'Sferat' do të mbajnë ngarkesën duke e shpërndarë atë në të gjithë boshitet

figurën_1

Siç mund të shihni në figurën_1 të mësipërme saktësisht ju domostrojme edhe elementet e kushinetës por edhe funksionin e tyre.

Më Poshtë ne po ju dërgojmë edhe praktikisht si është hequr mbyllësja e kushinetës dhe si mund të hiqni nëse vërtet ju duhet pa mbyllëse, shih figuren_2:



figura_2

Në figurën 2 saktësisht mund të shihni si i është hequr mbyllësja dhe tani kushineta mund të montohet ashtu siç thoni ju pa mbyllëse.

Ne ju ofruam edhe shpjegimin e mësipërm duke konsideruar që në komision vlerësues nuk ka qenë ndonjë person nga njësia kërkuese e montimit por mund të kenë qenë vetëm anëtarë tjerë jashtë fushës profesionale sepse ndryshe edhe shpjegimi jonë nuk do të kishte kuptim sepse këto janë njohuri elementare që çdo montues apo instalues i kushinetave i din apo duhet t'i dijë.

Përveq anës që shpjeguam edhe sikur kjo kushinetë nuk do të mund të instalohej në vendin e punës prap se prap aktiviteti i prokurimit lidhur me këtë nuk mund të anulohet sepse bie ndesh dhe është në kundërshtim me shumë nene të ligjit të Prokurimit publik. Ne përmendëm me lartë shumë nene por këtu do t'i veçojmë vetëm më kryesorët.

Neni 56 pika 3 thotë:

“Tenderuesi, gjatë procedurave të hapura, ose kandidati, gjatë procedurave të kufizuara dhe procedurave konkurruese me negociatë, nuk do të diskualifikohet ose përjashtohet nga procedurat e tilla në baza të ndonjë kërkesë ose kriteri që nuk është i cekur në njoftimin e kontratës dhe në dosjen e tenderit”

E shihni që AK-es ka bërë shkelje të këtij neni sepse kërkesë në DT-it ishte kushinetë 6328 2Z C3 dhe ne kemi ofertuar konform asaj kërkesë dhe AK-es tani nuk mund të përjashtojë apo diskualifikojë ofertën tonë.

Neni 59 pika 1 thotë:

“Autoriteti kontraktues do të themelojë një Komision Vlerësues për ekzaminimin, vlerësimin dhe krahasimin e ofertave. Të gjithë anëtarët e Komisionit Vlerësues marrin përgjegjësi të plotë individuale për vlerësimin e kryer të ofertës”

Lidhur me Nenin 59 pikën 1 sqarohet se anëtarët e komisionit vlerësues marrin përgjegjësi të plotë veç e veç. Atëherë ne kërkojmë përgjegjësinë e anëtarit ose anëtarëve që kanë shkelur ligjin e prokurimit publik gjatë vlerësimit të ofertës sonë.

Bazuar në të dhënat e shënuara më lartë është shumë e kuptueshme se oferta e kompanisë sonë është oferta e përgjegjshme si nga aspekti teknik po ashtu edhe nga aspekti administrativ dhe se i plotëson të gjitha kërkesat e Autoritetit Kontraktues të paraqitura në Dosjen e Tenderit dhe Njoftimin për Kontratë.

Pasi që oferta jonë është ofertë e përgjegjshme, konsiderojmë se vendimi për anulim të aktivitetit nga AK-es është në kundërshtim të plotë me nenin 62 të Ligjit të Prokurimit Publik. Nëse i referohemi përshkrimit të nenit të LPP shihet se asnjë nga kushtet e këtij neni të LPP nuk është plotësuar që të përfundojë aktiviteti i prokurimit.

3. Autoriteti kontraktues duhet të përfundojë atë aktivitet të prokurimit i cili nuk do të rezultojë në dhënien e kontratës vetëm për njërin nga arsyet:

3.1. një shkelje e ligjit aktual ka ndodhur apo do të ndodh në procedurën e prokurimit, e cila nuk mund të rregullohet apo të parandalohet përmes një amandamenti ligjor të kushteve të prokurimit, duke përfshirë edhe rastet ku një dispozitë e këtij ligji kërkon anulimin e aktivitetit të prokurimit.

4. Autoritetet kontraktuese mund të përfundojnë atë aktivitet të prokurimit i cili nuk do të rezultojë në dhënien e kontratës vetëm për njërin nga arsyet:

2.2 të gjithë tenderët e përgjegjshëm përmbajnë çmime që e tejkalojnë buxhetin e autoritetit kontraktues për aktivitetin e prokurimit; apo

2.2. para hapjes së tenderëve, ndërprerja e aktivitetit të prokurimit është bërë e nevojshme për shkak të ngjarjeve objektive dhe që mund të demonstrohen dhe/ose arsyeve që janë jashtë kontrollit të autoritetit kontraktues dhe që nuk mund të parashikohen në kohën e inicimit të aktivitetit të prokurimit por kjo duhet të bëhet së paku tre (3) ditë para hapjes së tenderëve.

Oferta jonë është oferta me çmim më të lirë nga ofertat e përgjegjshme, prandaj është obligim i Autoritetit kontraktues që të zbatohet kriterin e dhënies së kontratës për këtë aktivitet të prokurimit dhe lenda të kthehet në rivlerësim dhe të na shpërblejë me kontratë, e jo të anulohet aktivitetin e prokurimit.

Prandaj kërkojmë nga OSHP që pas shqyrtimit të Ankesës tonë dhe verifikimit të fakteve të

ofruara si dhe çdo herë duke u mbështetur në parimet dhe dispozitat e LPP-së, të marrë:

VENDIM

APROVOHET e bazuar Ankesa e OE GiGi SHPK ” nga Prishtina lidhur me tenderin “Furnizim me kushineta” i iniciuar nga KORPORATA ENERGJETIKE E KOSOVES sh.a.

ANULOHET vendimi i AK- KORPORATA ENERGJETIKE E KOSOVES sh.a. për Anulimin e aktivitetit të prokurimit dhe lenda të kthehet në rivlerësim e kjo të bëhet duke u bazuar plotësisht në kërkesat e dosjes së tenderit dhe dispozitat e LPP-së











9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, në rast se përfshini pretendime për kompensim.

Kompania jonë është dëmtuar për shkak të krijimeve të shpenzimeve të bëra me rastin e përgatitjes dhe dorëzimit të ofertës, të përgatitjes së Kërkesës për Rishqyrtim, Ankesës në Oshp dhe për fitimet e pritura.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

-  1 B05 Njoftim per Kontrat
-  2 NJOFTIM PER VENDIMIN E AK dhe letrat standarde
-  3 PROQESVERBALI I HAPJES SE TENDERIT
-  4 KËRKESË PËR RISHQYRTIM
-  5 Përgjigje ndaj kërkesës për rishqyrtim - E bazuar KEKO-021-396-121
-  6 Depozita per Sigurim te Ankeses
-  7 Print Screen-et i datave te dokumenteve ne Platforme
-  8 Print Screen-et i datave te dokumenteve te pranuar dhe derguara
-  9 Print Screen-et i dates kur eshte derguar Kerkesa per Rishqyrtim e ketij Aktiviteti
-  10 Çertifikatat e GiGi SHPK

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*